

沈乃文 主編

明別集叢刊 第三輯

第九冊

黃山書社





國家出版基金項目
NATIONAL PUBLISHING FUND PROJECT


『十二五』國家重點圖書出版規劃項目
2011—2020年國家古籍整理出版規劃重點項目

沈乃文 主編

明別集叢刊 第三輯

第九冊

黃山書社



(明) 文肇祉 撰

文錄事詩集五卷

明萬曆十六年長洲文肇
祉刻文氏家藏詩集本

文錄事詩序

文錄事詩者上林錄事文先生基聖作也
吳中雖稱四姓矣然文獻望族必首雁門
皇朝自涑水公而下世_二受仕亦世_二受
詩_二迨太史公最盛 黃屋之下白屋之
上三韓日南島言文身之域鬼方流沙雕
結雕題之壤聞文太史公名如魯尼父泗

州僧伽然先生為博士壽承公冢子於太
史公為冢孫耳濡目染掇其芳而咀其華
神情蕭散外溫內朗舞勺之年占對奇絕
間為韻語超_二玄著二父愛之特甚並著
邨前賓客見者莫不錯愕相顧指為文舉
德祖之流少藉博士弟子後游太學十上
公車而不獲一第會先生少子從龍舉孝

廉先生慨然曰余髫有霜矣而與孺子角
逐鈇槩豈不童之心也哉乃謁選春官授
上林苑錄事上林號間曹職多堯雉兔池
沼園囿獸園水衡諸務官署去都城三舍
而遠每朝朔望歸坐堂皇視事畢趣呼捲
簾對燕山雲霞與聽啼鳥課僮子掃落花
耳先生樂其官謂可吏隱二三執政皆先

生故人他王公卿士無不知文上林名爭
為薦拔欲寘之禁近先生一夕思歸不可
留或勸使少須可不陸沉先生不可曰上
林官誠薄然列在交戟之內選人爭欲得
之此可染指而不可濡足以窒後來者路
也既得請致仕歸則葺治太史公舊廬花
竹琴書翛然遠俗先生無所事_二但瞑目

擁邾嗒然而已郡邑大夫以干旄往悲謝
不見日與弟郡丞君及羣從子姓嫻黨舊
知相燕樂不知白版之外轍迹幾何也先
生詩標意而黜辭尚理而遠格先情而後
才首風旨而薄聲調貴自然而略纂組評
者以為左司香山之間先生自謂托物寄
興聊瀟爾耳奚暇學步效顰乎昔在鄒韋

三

氏晉王氏並以詩文世其家黻纓裁矣者
累代不絕文之諸公庶幾似之然彼不聞
有掛冠縣車之風有則史胡以不書文氏
自涑水中丞公以來若太史若博士若學
正若上林若郡丞上疏乞骸骨者先後相
踵無不歎段下澤優游林藪而先生與郡
丞又皆善飯無恙白首相驩二疏大夫何

忝焉先生雖自比王恬吾意恬之文與宦
先生不乏先生之高非恬所有矣太原王
穉登序

文錄事詩集

上林錄事文 肇社 基聖

四言古詩

悠悠厥初篇 述祖德也

悠悠厥初爰自西伯以謚爲氏系用以翼漢有蜀守
聲名洋溢學校聿修民沐其澤若晉儒林文學藉藉
有唐節義光于史冊 維指使後歷世徵庸宋至寶
佑篤生信公義盡仁至大顯貞忠迨我始祖宋咸淳
中宣教衡州是爲衡宗衡岳廬陵譜牒寔通 衡山
之麓廼世其族金紫大夫猶食宋祿載世元季廼易
武服佩金虎符武昌振肅 國兵旣下鎮遠繫獄赦
長千夫戎勳備錄 長子驍健入侍 高皇剪平僞漢

特被寵光賜名錫服厥族用彰時八世祖從兄平揚
職充散騎徙居蘇杭蘇之有文寔自衡陽 我祖存
心占籍長洲皇矣涑水敷教優柔甲科繼起恩渥寵
褒牧伯中丞世濟其休顯顯祖考作德好修薦修國
史翰苑名流 我父是承世德克存南北二雍桃李
盈門嗟余寡陋宿好是敦述此祖德貽我子孫

悠悠厥初五章章十二句

巍巍岱山 登泰山觀日出也

巍巍岱山五岳之宗蟠九百里上有泰封 巍巍岱
宗元君有官府視下邑鳧繹龜蒙 載登天門層巒
蔽空秦觀在西日觀其東梁父左控石閭右通 載
登高峯憩于石室卧聽松濤夜觀日出蓬瀛海島周

覽惟悉 瞻彼同巖羣仙並列叩彼金童受我寶訣
金泥玉簡終莫能詰 載登載瞻身若羽化骨異玄
丘思旋其駕迴觀其巔誠小天下

巍巍六章二章四句四章六句

壬戌之秋

游西山也適符蘇公游赤壁之期

壬戌之秋七月既望薄言西山于邁以往我懷蘇公
寔可景仰歲月日時適值其當有酒有肴以詠以唱
載遊載嬉幽情思暢卧聽泉流枕看月上四山寥寥
形骸放浪赤壁之游曷足多讓今之視昔不無慨悵

壬戌二章章二十句

神禹篇

頌大中丞南充王師督漕也

神禹治水天地平成觀河思績功莫與爭維我王公

邦國之楨漕河之命厥任匪輕決之排之以經以營
疏之鑿之由地中行國脉以宣國計其盈惟我中丞
赫赫厥聲粒我蒸民咸用情惟予小子頌德維誠

神禹一章章二十句

晨風篇

送虞部楊汝大奉 詔南征也

晨風飄飄王事于適子之往矣我心惓矣 將子何
徂王事敦我中心搖搖孰念其瘁 莫非王事毋爲
怵怵既曰仕矣遑恤其勞 子謂何求王事靡執余
諒子心子亦何憂

晨風四章章四句

肅肅篇

送侍御吳明卿印馬于齊魯地也

肅肅王命吉日于征左右陳行我馬其騁 有馬駟

騶在齊之網維駢維黃有驪有青 有馬駟駟在魯
之林如騶如雲踳踳駸駸 有駃其駟風夜在公我
職斯稱我馬既同 駃彼乘駟風夜于外式遄其歸
載其載會

肅肅五章章四句

樂府

唐有明鏡歌鼓吹曲六篇

鏡歌作于黃帝岐伯以揚德建威風敵勸士
也漢魏吳晉諸臣代有作者而唐柳宗元準
漢曲篇數用魏晉義爲唐鏡歌十二篇一皆
揄揚其祖宗之功能亦雅頌之流亞也至于
我

朝陶學士安作

大明鏡歌三闕嘉靖初袁督

學表亦倣爲

皇明鏡歌十三篇皆以稱頌

高皇放勲宏德之盛篋以加矣愚生也賤敢效

唐臣合紀

高祖太宗之美而賡歌之援舊

題以成新曲共成六章擬之雅頌非曰能之

而施之後日歌以爲容不亦幸歟

聖人出

漢古辭也我

高皇帝起自臨濠而奄有天

下誠不世出之聖堇用其題以賡歌之

聖人出六龍飛天眷德起濠西撥亂反正天與人歸

掃胡元正綱維都建業式九圍復自古帝王之區莫

萬古帝王之基

定武功

魏繆襲國初破鄴而作謂武功之定始于此
也 高皇渡江取太平諸路武功亦定于是
定武功始渡江江水茫茫鼓聲鋒鋒下采石平淮揚
東收吳越西定湖湘中原河洛恢其疆秦晉燕趙咸
歸降鎮南粵來越裳武功定兮殺伐張廣輪撫兮歌
元良

伐烏林

吳韋昭頌魏武克敵也我 皇祖驅殘胡而
元君自烏林奔于漠北亦用舊題而歌焉
我師驅殘胡直抵漠北境王旅奮義威宵奔絕形影
太白冥天狼淨鼠勦無復存狐窟竟全屏全師奏凱

旋踴躍踰燕領萬載華夷分中土永寧靖

宣輔政

晉傳玄以其主網羅文武之才定二儀之序
也 高皇之命將出師盡得死力其一時人
才如徐常輩豈晉魏諸臣所能及其萬一哉
輔政資多賢俊又在官使 我皇善任才文武咸願
仕多士起濠城四方亦戾止功成歌皇風萬國皆遵
軌自古得士心誰復能如此

應帝期

繆襲言文帝以聖德受命應運期也
成祖文皇帝順天撫運而繼志述事之大殆有
光于先烈者歟

於昭文皇光承洪緒密運神機奠鼎燕冀天縱文武
一怒安民兩京並峙內撫輿圖外扼關塞以握要幾
以據全勢

憶武師

韋昭言大烈之震天下也我文皇之天縱神
威廓清華夏武師之震不有甚于吳哉

揚武師威加四海奮雄圖大畏小懷民廼蘇廓清中
土功不可踰風聲不冒如唐虞季犁已討古刺羣趨
明明天子頌往古疇與俱

燕歌行

燕山九月肅寒威處處邊陲思授衣解愁聽砧杵守
空幃鬱陶思君君不歸解賤妾淚下如珠璣君知不

文錄事詩

五

知何睽違三袁腸摧傷撫琴微歌聲何短吟何微解
推窗月隨留餘輝簷前星宿寒芒稀解手擲金錢暗
自祈歸無定期情無依解朱門炙手瑣重闌滄沱凍
合雪霏霏鴈無書寄空南飛解

豫章行

人生自有命今日何可移富貴不足慕貧賤安能辭
商宗無夢寐版築疇能知西伯不出獵羊裘終釣垂
自古賢哲人所遇皆如斯若不委窮達貿貿將安之

短歌行

有酒盈觴有歌盈章人壽幾何靡皆延長再觴再詠
其樂未央樂不及時空用悲傷況也分定妄求奚遑
聽我短歌短歌忽忘

長歌行

百川每東注奔晷時西馳人生草頭露壽命安可期
晷綺不復在喬松何所之古來誰滿百此理不待推
延年果有藥焜黃胡復衰矧茲功名薄竹帛無由垂
及時不爲樂老大悲何爲我今歌長歌長歌以自怡

鰕鮒篇

神龍忽下謫混同鰕鮒泥黃鵠志千里不及鷦鷯栖
周公居攝後三叔流言濟尼父道莫宗楚狂歌鳳兮
毀譽何足憑謗議空相擠莊周齊物化萬物安能齊

從軍行

遼陽烽燒飛狼烟牧馬胡兒荒草邊請聽從軍五更
轉城烏起堞天蒼然

羽林行

六

朔風吹太行白日沙飛黃溪谷少行蹟胡馬嘶欲僵
行見交河下羽林兒獨強臂鷹挾匕首金勒紫絲韁
公子行

女耕田行

寶馬珊瑚鞭爭看美少年蹀躞長安道買醉青樓邊
盈盈樓上女邀語杏花前歡歌猶未已竟日那知旋

女耕田行

布谷聲催笋解籜誰家女子事東作自言母老兄出
門出門從軍未及婚有妹同胞已先嫁獨自服田力
耕稼以刀斫地可代牛疏犁畦隴開澮溝時雨不來
禾盡稿修圓築塲愁有秋南隣北舍莫相咲有淚空
流向誰告

白苧歌二首

中庭良夜張華筵美人如花嬌且妍
趙瑟秦箏調蜀絃回眸轉袖銀燭前
爲君起唱白苧篇金壺半灑漏
殘澹今君安坐聽我鼓願爲雙燕簾前舞
新裁羅袖長且輕明妝嫩嫩纖塵生舞向君前進玉
嬰流目暗盼嬌盈盈百年如戲莫蹉跎請君試看東
流波東流不回西日逝我今不樂將如何

鞠歌行

雲出岫龍起洪乘風升雲騰碧空歌鐘歇曷自工還
思相和旋爲宮薄責人厚責躬人莫已知吾道窮嗟
楊雄賦河東猶待吹噓送上穹子期沒伯牙終千載
無門繼古風

出門行

河流滾滾逝不轉年光迅速一如卷美人遙隔天之
涯欲涉難將水清淺少年何事輕出門別離易今車
無輪我身似轍遺漸遠佇立望之多荆榛君今得意
誰復顧棄我何異車後塵

長安俠斜行

長安俠斜路方軌殊難容彼美兩少年行行適相逢
相逢問君家君家盛華宗品服盡朱紫鼎食多黃封
錫爵列羣侯出入躋九重我本倦游子莫敢當其鋒
歸守畝畝間食不繼朝饔規行仍矩步險僻安能從

江南春追和倪元鎮韻

輕雷一夜抽新筍寶鼎香消山館靜行厨竹裏起茶

烟柳揚風微掠髮影杏花開殘春尚冷
轆轤聲斷花間井水清照我頭上巾
酒染青衫巾染塵春來遲春去急
殘紅數點蒼苔濕韶華去去追何及
王孫不歸草空碧傷春轉覺情於邑
誰家紅袖高樓立陌頭柳花飛作萍
鳴鳩乳燕方營營

魚父詞四首

年來生計住吳淞舴艋斜穿錦浪中
溪柳綠野桃紅煮魚沽酒醉東風
輕雷送雨過橫塘菱葉荷花掠岸香
新水漲晚風涼卧吹蘆管和滄浪
輕舟短棹自夷猶開遍芙蓉古渡頭
紅蓼渚白蘋洲鯉魚風動是深秋

江天冬日淡無暉江上漁人夜未歸
風急急雪霏霏綠簑青笠棹如飛

文錄事詩

文錄事詩

五言古詩

上林錄事文 肇祉 基聖

宿山中

出城入山寺黃葉滿林皋焚香坐高榻靜聽松聲號
自憐失路人暫從物外逃借此雲堂宿新寒欺布袍
歛然作奇夢弄掉飛洪濤憑虛不知止萬里恣游遨
去去登海嶠天風吹鬚毛驚覺滿齋白開窗山月高
送幻上人還月輪寺

南朝四百寺月輪古祇林幻公一出山薜蘿三改陰
爾以月爲性我將雲作心浮雲與明月相送歸遙岑

贈王郎

王郎豪俠士意氣凌秋旻胸中富甲兵思爲報主身
少小耻閭里撫劍開青鱗不隨俗士偶寧交屠狗人
大咲出門去奮身離風塵夜宿孤山月朝臨白馬津
雲中多猛將瞋目從征輪一朝功成後黃閣圖麒麟

寄友人

相別一何久再見何獨難忽忽歲復歲夢行山外山
高山與流水鳴琴爲誰彈望望不可卽書寄惟加食

嘲桃李花

茂苑三春時桃李花盈枝爭妍共含咲自謂東君私
一朝顏色改片片隨風吹詎知喬松幹常挺歲寒姿
松恣本孤直不同桃李萎

登金陵謝公墩宿寺中追和李白韻

登高恣遠眺一望長江奔人世有代謝江流無朝昏
緬懷謝公跡今已成郊原白雲隨日散明月浪中翻
行行入古寺中壘石爲門石門時靜掩萬竹寒雲屯
回視四山寂幽賞誰與論謝公不可起誰復爲招魂
興亡餘六代斯人安獨存風流日已遠秋草埋荒塚
游人自來往不聞車馬喧我來覽古勝懷古不成言
借栖巖下石枕石移雲根夢破起默坐便覺丹府瞰
幽情頗暢叙無勞絲竹繁有酒且斟酌摘蔬開寺園
人生如過鳥何用尋仙源

歸山寄金臺知己

北走仍南圖所交非俗儒黃金不足重意氣凌天衢
瞋目視王公不敢私微軀謂身可立致方希佐黃虞

蹉跎不得遇五噫出京都歸來無產業東作誰相呼
彈鋏徒激烈出門空踟躕賓客不在眼吾亦自忘吾
忍饑時誦經真不如屠酤魚目亦相咲空與明月俱
他年倘相訪知我學潛夫

擬古五首

翩翩林間鳥悠悠嶺上雲雲出本無心鳥飛時念羣
物亦欣有託矧余處世紛中腸慕遐舉落無所聞
歲月去云疾荃蕙寧久芬古道已寂莫吾衰亦何云

其二

人生駒過隙一朝難再晨有酒且斟酌行樂須及辰
胡爲自結束不用常悲辛四海盡兄弟何獨骨肉親
苟誰往化滅同作陌上塵願言康華接勿與衰草均

其三

庭前雙桐樹四月始見華盛夏敷繁陰亭亭疊清霞
禽鳥知所止吾亦愛清嘉大火忽西流敗葉隨風斜
空抱大雅材委棄若泥沙何用覓知音相與訪伯牙
伯牙沒已久行行浩無涯

其四

女美衆所憐士窮世所賤貴賤何足言世情從此見
買臣未遇時愚婦心先離季子佩金印妻嫂迎恐遲
自古已如此何用空悲噫

其五

東方有美人遠在天之涯窈窕淑且婉意態殊閑佳
春風借色艷色艷嬌如花珊瑚初出海未足比光華

誰家白面郎金勒紫游韁欲涉不可卽立馬遙相望
何如化鸛鶴飛傍朱欄旁

山中徐步

山中初雨過一雨樹如沐幽人獨徃來幽鳥啼成曲
僧來薦新茗狎客事碁局斜日閣西嶺扶杖下山麓

感遇

我昔少壯時委懷在書史被褐欣自怡策駕辭鄉里
一往三十年無成復來耕寢迹山南村真想只如此
緬懷望前途歲月去何駛

寓言

昔爲凍餒驅投耒學干祿北窳與南圖燕趙日馳逐
縱有遐舉心不及雙黃鵠誤落在塵網歸來宿茅屋

田父相往來慰我素心曲俯視池中魚仰送飛鴻目
荏苒星氣流壺觴聊自足

卜築

結廬山南村素心可與言鑒沼駕飛虹題爲日涉園
居室八九間環周水潏潏惟與鳥雀馴不聞城市喧
去去百載外身名安用存

仲夏

夏日樹扶疎園庭敞中虛寄傲北窓下泛覽古人書
仰無慚高鳥俯不媿游魚只此有餘趣吾真愛吾廬

與友談昔

昔我年少壯志逸游四海荏苒四十秋無成徒慷慨
且復歸去來山中得君在晨夕相往還芝蕨共携采

前途知有幾無須問真宰

園林秋夜

獨坐聞秋聲秋聲來樹間燈影搖虛室悠然意自閒
閒情付流水日夜猶潺潺人生誰滿百何獨往不還

雪

飛雪滿園林號寒有負薪千樹梅花綴寒枝玉勒新
呼童貰酒至竹爐溫火親美殺袁紹公僵臥不干人

雨

仲春時雨降草木俱欣欣水長新波澗風來水弄紋

茅簷語玄鳥四山生白雲愛茲品類繁野色過橋分

唐人曹鄴因舉不得第有四怨三愁五情詩余亦要作一怨二愁三情以望詩人救

美人顏如花顏好誰人知無媒不得嫁終亦還自疑

右一怨

春來萬卉妍枯木新條發着意待東風難消頭上雪
髮白終難變金燒亦不成人生誰滿百何以學長生

右二愁

桃李盛春風芙蓉媚秋渚開謝各有時天工豈無處
獸鶴翔天表孤鴻下沉湘何如雙飛燕營壘栖雕梁
有女適王孫或作黔婁媼美殺嫁田夫頭白常相守

右三情

園亭

園林敞南軒悠然與世隔早起看青山山青一如昔
清風從東來吹我頭上幘眷彼松菊存品彙隨動植

隣叟有好懷往來數晨夕

雨過觀魚

天時久不雨池沼水皆涸夜來新雨過水漫復如昨
游魚隊隊行悠然自泳躍莫道我非魚我自知魚樂

五言排律

鄧都尉招飲

主家開綺席時日敬華堂賜第連霄漢朱樓傍苑牆
飛花沾燕壘垂柳啣鶯簧錦瑟當筵立銀箏列雁行
舞娥歌翠袖侍女伴宮妝法酒傳中使珍盤出上方
畫屏圍玉笋澗水滌瑤觴詞客調鸚鵡彤庭儀鳳皇
紅蓮分太液篋竹奏琳琅鶴馭羣仙駕鑪薰內賜香
月高人未散斗轉露華涼

虎丘劍池夜禩

風光今日好閒步劍池邊修禩千年事暮春三月天
空中樓閣迴池上轆轤縣少長忽咸集嘯歌時劃然
流觴環列坐煮茗汲三泉放浪形骸外登臨杖屨前
巖花晴拂檻澗草暮含烟携榼追歡賞沿流急管絃
蘭亭無勝迹一記至今傳

海上觀潮

八月近中秋潮來海上游凝眸瞻貝闕俯檻聽龍湫
踴躍乾坤浴空濛天地浮潮聲奔萬馬水氣動潛蚪
怒浪翻蛟室驚濤擁蜃樓此身空浪跡處世一浮沤
慷慨心猶壯年光日夜流

七言古詩

桃花磯逢丈者

虞山山高高入雲下有古磯烟氤氳萬樹桃花夾流
水水邊雞犬聲相聞雞犬相聞茅屋底屋底老人坐
不語豈是當時遺世民避秦雪政來居此笑而不答
意自欣觀之古貌亦古心我欲跪之問寶訣回頭不
見深山深

石湖行春橋步月

晚來雨過煙藏寺日閣沉沉萬山紫須臾湖光瀲灩
迴曬龍弄珠出海底海底一躍千仞高星光閃爍浮
金鰲朱欄倚通市喧息酣歌倒坐醉中豪當年此月
今不改曾照吳王舊臺榭吳王臺榭蹟已陳惟有此
月今猶在古人今月已千秋今月古人今在否眼前

烟月不堪數何如范蠡西施游

寄羅達夫石蓮洞歌

文山蒼蒼文水碧中亘綿延連一脈石門悶道虛翠
屏天削芙蓉秀絕壁絕壁危崖五色溶仰看茜茜排
穹窿丹牀石竈隨所設奇花異卉青濛濛天降羅公
美顏色卽今海內文章伯詞源倒瀉三峽流珊瑚出
海秋月白奪標曾擅少年塲甲榜名題金字黃明堂
法座列鏤磬石渠中秘聲琳瑯建儲一疏上 天子
萬言切直因忤旨歸來重向洞中游長齋乞鉢常如
此洞門倒掛蓮花巾手揮玉麈辭將迎名山或有異
人遇跪受寶訣祈長生

承惠石蓮洞歌調逸意古復出塵外誦之再四雋

永令人不能去手會當索善鑄爲入石壁間當與
此洞同流宇宙也倉卒未卽廣和誠負高情滯迹
病踪歲增一歲不足道燈前夜色倍有懷人

世講弟羅洪先頓首

元夕篇

長安今夕是元夕皇都佳麗無殊昔昔時曾到蓬萊
宮龍膏鳳炬光千尺千尺光凝結綠樓鰲山重疊雲
烟收烟收明月正當頭仙樂燃燈復道周遙瞻 天
子六龍馭五色雲車擁高處高處離宮別館開翠蓋
鸞輿繡幃御出向天街紫陌長王侯第宅關新妝新
妝初罷踏明月蕙火蘭烟滿路旁路旁許史金張宅
銀燭高烧邀上客上客調成鸚鵡篇鳴金伐鼓開華

席歡歌未已夜將闌星斗橫斜禁漏殘傳呼行辟候
朝者聯鑣玉珮聲珊珊

避暑

避暑來遊到虎丘虎丘南去林堂幽林堂幽靜無人
主修竹千竿碧欲流竹樹扶疎覆亭館浮瓜沉李調
冰碗一觴一詠暢幽情不用銀箏并翠管翠管銀箏
醉昔時昔曾沉醉習家池何如跣足科頭坐世事紛
紜總不知

打魚

山田犂角麥秋寒山雨欲來風激湍觀魚踞坐得真
樂閉門新竹千琅玕千竿竹映蒲柳綠陰符在匣羞
更讀惠連池上冒雨來携幼呼朋慰羈歎獨有元龍

興自豪命童打魚魚尾勞大魚拙強小魚棄養子揮
刀飛雪高欣然一飽意自足不羨鏡湖分一曲六畝
魚租五畝竹曾看陶朱治生錄不啻利倍有十千但
願怡怡天樂全君不見田家以感荆再合姜氏共被
今猶傳况吾與爾樂便便十日一游期莫愆

右子悱弟約余旬日一游山園偶愆期不來詩
用招之卽冒雨而至遂命童子打魚供餉既醉
而還賦以長句兼示後期

彈琴

岡上梧桐高十尋梧桐翠葉敷清陰主人獨自撫琴
坐獨坐閒調太古音太古遺音久不作此道只今空
寂寞鐘期已矣伯牙亡千載知音已寥廓悠然流水

與高山山蟲蟲兮水溝溝方壺員嶠在眼底一笑推
琴心自閒

夜臥墓所不寐

孤燈明滅茅簷深布衾單薄寒相侵月高山寺聞鐘
聲耿耿不寐生憂心心摧腸斷身無倚春宵獨臥荒
村裏少年一刻千黃金此時一刻愁萬縷愁思萬縷
夢親啼驚覺惟聞烏夜啼起來試取春衫看猶道當
年戲綵衣

贈沈道人

沈休別我非一日歸自南屏峴山隔峴山岩堯雲水
西碧浪湖連芳草色今來訪我白雲深雲深塔影空
沉沉銅盤戲曲梅花衲駐顏不用燒黃金修髯王立

本集詩

九

絕塵執竹擇爲司鳩作杖恍如洪景出山圖獨行徐
步紅橋上紅橋東不虎阜居分明諸葛南陽廬與君
朝夕數來往還讀人間未讀書

錢學博青之七十

與君同學二十秋復同追隨京國游兩都共賦獻宸
旒當時人擬稱元劉天閑寥曠俱未收阜比君擁登
萊州掖道宮墻環講求洵川再轉仍淹留何當伊洛
多名流種成桃李滿谿頭忽憶吳山思乞休拂袖歸
來志已爾孫曾繞膝鸞鳳儔琅琅作賦揮皇猷我今
花甲亦已周費盡黃金一散裘何時解脫釣鰲鉤歸
與君盟沙上鷗

上元日兒輩集諸友會文至晚張燈小酌

去歲有兒同客處一燈相向愁依倚我今歸來忽踰
年兒獨淹留在京邸歸來兒輩仍紛紛大兒小兒皆
屬文盡簪會友集同志奇文賞析俱殷勤須臾雪霰
滿庭宇飛花如掌隨風舞然燭高張四壁燈坐中上
客調鸚鵡吾家老叔八十強牀頭酒熟呼我嘗東鄰
兄弟衣金紫尚憂不足心遑遑今日諸君各矢志致
身早早少年事流行坎止順吾常昂昂百年真是戲

贈楞伽南上人七十

當年曾臥楞伽寺日有敲門問奇字窓明几淨獨焚
香燕雀猶懷鴻鵠志南郊上人方少年誦經趺坐佛
堂前閉關日夕修禪觀金磬時聞落遠天汲泉煮茗
隨吾適時采於山美可茹上人真是遠公流媿我元

本集詩

十一

非蘇晉侶誤落塵網三十年歸來重到湖山邊來來
雪竇一龕裏袈裟雲臥如金仙香燈歲晚無異昔小
閣浮提已七十願結蓮社山之中自笑聲名何用足

九日登吳山

吳山山高高入空懸崖削壁青芙蓉登高今日逢重
九結伴同遊山上峯峯前山下人如蟻走馬乘輿並
肩倚日暮行人尚未稀畫舫簫鼓中流起簫鼓聲悠
湖上游湖光山色捲宜秋行歌雜偕遊人散明月滿
山烟霧收

閒居自述

十年上書不得意歸來高臥深山裏山深被褐掩柴
扉環堵蕭閒少知己知己無人斷往來兀然獨坐茅

冠底茅簷兀坐不記年無復隨心慕青紫一朝忽枉
故人書問我何爲不入仕幡然一出向長安萬言不
敢干 天子天子詔許爲園官低頭授職聊居此此
身疎嬾不受拘白首爲郎還自耻飄飄掛冠神武門
神武門前乞恩旨蒙恩早賜拂衣歸拂衣依舊還桑
梓桑梓山林日月長日上山窓呼不起羅列孫曾繞
膝前膝前歡舞歌樂只

七言排律

石湖遊泛

春來今日到湖濱湖邊村市人紛紛波光遠映蘼蕪
沒山色晴開錦繡文茶磨山頭茶正熟盟鷗亭外鷗
成羣青帘隱樹酒家近翠帶牽風水荇芬錦瑟瑤箏

湖上起朱簾畫舫鏡中分醉如白傅圍紅袖嬾學羊
欣寫練淩谿畔漁舟垂晚釣寺中樓閣帶斜曛舉頭
月色當空照何處鐘聲滿座聞千古興亡已陳迹吳
宮越壘空氤氳

北京西山借榻碧雲寺

入山蘿薜畫沉沉下馬行過古洞陰獨倚石橋看急
澗坐觀庭宇俯喬林環牆山色浮烟靄繞砌泉聲和
磬音虛榻借栖清夢醒閒窓臥抱白雲深梵鐘催落
窓前月老衲時彈膝上琴幾几香殘閒睡鼻佛堂齋
供有來禽黃 梅花滿地飛紅雪簌竹千竿倚翠岑
何日拂衣重過此常依清境洗塵心

文錄事詩

明文錄事詩

上林錄事文 肇祉 基聖

五言律詩

侍大父過王二丈履吉越溪庄

隨翁訪叔度放棹越溪深竹徑數椽屋桑園十畝陰
汲泉頻洗硯促膝坐鳴琴高士平生慕今朝慰夙心

汪子木園與薛用傳施安卿明卿陳子白文會

名園啓文會繞屋樹交加捲幔窺新燕臨池看落花
樂耽長統志書效子雲家竹裏輕煙出軒前試煮茶

野望因過楞伽侃公精舍

野曠山藏寺祇松一望口諾天懸采翠殘照遲晴空
松下疏精室簷前聽晚鐘欲耽清淨賞隨喜訪支公

石湖

湖光披白練日夜泛青簾帆影鏡中落鷗羣沙上眠
楞伽山裏寺茶磨晚含煙羨殺鴟夷子飄飄去不還

蔭白堂卽事

結屋近清嘉虛堂背郭斜門閒人問字簾捲鳥啼花
盛世容疎嬾端居戀物華齋頭書滿架不羨子雲家

早起

曉起露光沃熙微景物鮮窻間蠅擊紙庭際草含煙
短髮頻看鏡殘星猶在天虛齋絕塵想坐久意澄然

月夜與王明度明善登文筆峯

晚來秋雨霽山月向人高同上留雲閣因攀栖鶴巢
詩聯林外句幘岸醉中豪獨立羣峯下天風吹鬢毛